

黃帝內經素問註證發微卷九

明太醫院正文會稽庠生元臺子馬時仲化註證

本病論篇第七十三 亡後補

至真要大論篇第七十四 此篇總括前八篇未盡之義至真至要故名

黃帝問曰。五氣交合。盈虛更作。余知之矣。六氣分治。司天地者。其至何如。歧伯再拜對曰。明乎哉問也。天地之大紀。人神之通應也。帝曰。願聞上合昭昭。下合冥冥。奈何。歧伯曰。此道之所主。工之所疑也。帝曰。願聞其道也。歧伯曰。願陰司天。其化以風。少陰司天。其化以熱。太陰司天。其化以濕。少陽司天。其化以火。陽明司天。其化以燥。太陽司天。其



化以寒以所臨藏位命其病者也帝曰地化柰何歧伯曰
司天同候間氣皆然帝曰間氣何謂歧伯曰司左右者是
謂間氣也帝曰何以異之歧伯曰主歲者紀歲間氣者紀
步也更平聲

此明司天在泉間氣之化隨六氣所在而移之也五運
分爲五氣以太過不及而有盈有虛也天元紀大論曰
其始也有餘而往不足隨之不足而往有餘從之正盈
虛更作之義也六氣者風熱濕火燥寒也卽其分治以
司天地餘四氣可知矣化有不同帝之所以問也上合
昭昭者司天之化也下合冥冥者在泉之化也然厥陰

司天其化以風而爲在泉之地化猶是也爲左右之間

氣亦猶是也少陰司天其化以熱君火而爲在泉之地化

猶是也爲左右之間氣亦猶是也太陰司天其化以濕

而爲在泉之地化猶是也爲左右之間氣亦猶是也少

陽司天其化以火相火而爲在泉之地化猶是也爲左右

之間氣亦猶是也陽明司天其化以燥而爲在泉之地

化猶是也爲左右之間氣亦猶是也太陽司天其化以

寒而爲在泉之地化猶是也爲左右之間氣亦猶是也

但司天之氣以所臨之藏位而命其病如肝木位東方

心火位南方脾土位中央方及四維肺金位西方腎水

位北方。是乃五藏定位。惟六氣御五運所至。氣不相得。則病。相得則和。故先以六氣所臨。後言五藏之病也。至于在泉與左右間。亦不過如是而已。故以各氣而在左右者。謂之間氣。間氣者。正所以紀步。步者。六十日餘。八十七刻半也。積步而成歲。則六六三百六十五日有奇矣。六微旨大論曰。顯明之右。君火之位也。君火之右。退行一步。相火治之。復行一步。土氣治之。復行一步。金氣治之。復行一步。水氣治之。復行一步。木氣治之。復行一步。君火治之。其每歲司天主歲。正所以紀歲氣。而左右間氣。又與六步而相紀。六微旨大論首節。謂天道右轉。六節盛衰者。正紀歲之謂。而次節地理之應。六節氣位者。正紀步之謂。當合而觀之。其

涼勁切。霧露蕭颺也。若子午之歲。則在泉而爲辛化。金
司地氣。辛化先焉。乙庚之歲。則司金運之氣。而爲素化。
至于巳亥之歲。則爲在泉之左間。主初之氣。辰戌之歲。
則爲司天之右間。主二之氣。寅申之歲。則爲司天之左
間。主四之氣。丑未之歲。則爲在泉之右間。主五之氣。而
皆爲清化。風生高勁。草木清冷也。辰戌之歲。太陽司天。
而爲寒化。嚴肅峻整。慘慄凝堅也。若丑未之歲。則在泉
而爲鹹化。水司地氣。物化從鹹也。丙辛之歲。則司水運
之氣。而爲玄化。至于子午之歲。則爲在泉之右間。主初
之氣。巳亥之歲。則爲司天之右間。主二之氣。卯酉之歲。

則爲司天之左間。主四之氣。寅申之歲。則爲在泉之左間。主五之氣。而皆爲藏化。陰凝寒冷。庶物歸藏也。故凡治病者。必明司天之六化。在泉之五味。司運之五色。間氣之動。灼柔明藏。乃五藏所宜。則可以言每歲盈虛。病生之緒。而上文盈虛。更作之問。主歲者。紀歲之義明矣。帝曰。厥陰在泉。而酸化先。余知之矣。風化之行也。何如。岐伯曰。風行于地。所謂木也。餘氣同法。本乎天者。天之氣也。本乎地者。地之氣也。天地合氣。六節分而萬物化生矣。故曰。謹候氣宜。無失病機。此之謂也。

此帝問厥陰在泉之爲風化。而伯以其本于地氣者告。

之也。首節言厥陰司天其化以風而又論地化曰司天
同候則地化亦以風也。茲言在泉爲酸化者可得而知
而在泉爲風化其義似有所悖殊不知司天則風行于
天在泉則風行于地乃本于地之氣而爲風之化也若
時乎司天則本乎天之氣而亦爲風化矣。天元紀大論篇云厥陰之上風氣主之少陰之上熱氣主之太陰之上濕氣主之少陽之上相火主之陽明之上燥氣主之太陽之上寒氣主之所謂本也是謂六彼少陰在泉熱行于地太陰
元正文本字從此本字來。在泉濕行于地少陽在泉火行于地陽明在泉燥行于
地太陽在泉寒行于地至各氣司天則亦本乎天氣而
爲天化矣。故曰餘氣同法也。惟此天地合氣六節各分

而萬物所由以化生。故本乎天而化者。由于司天之氣。本乎地而化者。由于司地之氣。此在天地爲氣宜。而在

人身爲病機。必謹候之。而可以治病矣。

帝曰。其主病何如。歧伯曰。司歲衛物。則無遺主矣。帝曰。生歲物何也。歧伯曰。天地之專精也。帝曰。司氣者何如。歧伯曰。司氣者主歲同。然有餘不足也。帝曰。非司歲物何謂也。歧伯曰。散也。故質同而異等也。氣味有薄厚。性用有躁靜。治保有多少。力化有淺深。此之謂也。

此言藥備歲物者。爲天地之專精。而司氣者其氣偏。非歲物者。其氣散也。上文言候氣宜而無失病機。則用藥

以治病不可無所主也。伯言每歲各有所司，必因其司歲者以備藥物，則病無遺主矣。正以每歲之司天在泉，物從其化，而天地之專精儲焉，故不可不先之也。彼司氣者，卽司運也。如甲巳爲土運，乙庚爲金運，然太過則有餘不及則不足，其氣偏耳。若非歲物而用之，則其氣又散。故一物之質同而精有完全偏散之異，所以氣味有厚薄，性用有躁靜，治保有多少，力化有淺深。此歲物之不可以不備也。

帝曰：歲主藏害，何謂？岐伯曰：以所不勝命之，則其要也。帝曰：治之柰何？岐伯曰：上淫于下，所勝平之；外淫于內，所勝

治之。

此言歲之五藏被害者。以其有所不勝而治之有法也。
歲氣在天。五藏在人。而歲主五藏有害者。正以本氣淫。
則脾不勝。火氣淫。則肺不勝。土氣淫。則腎不勝。金氣淫。
則肝不勝。水氣淫。則心不勝。以所不勝命之。則知害藏。
之要也。故司天之氣淫于下。而藏病生。則以所勝者平。
之。如木氣淫。則以金制之者是也。至在泉之氣淫于內。
而藏病生。則亦以所勝者治之。即木氣淫。而以金制之。
者是也。所謂制勝者。謂五味寒熱溫涼。隨勝而用之耳。
但上淫于下者。淫于三氣已前。有勝無復也。外淫于內。

者淫于四氣以後有勝無復也

新校正云詳天氣主其但當平調之故不曰治

而曰平也

帝曰善平氣何如歧伯曰謹察陰陽所在而調之以平為

期正者正治反者反治

此言歲氣之平而有所病者亦視其正反而善治之也

上文言上淫于下外淫于內而為病皆以歲氣不平也

故以平氣而民病者何也伯言陰陽者尺寸之位曰陰

陽陰脉陽脉陰經陽經皆曰陰陽當謹察而調之以平

為期如陰經病而陽經不病陽經病而陰經不病是為

正病也正則以寒藥治熱以熱藥治寒從而正治之耳



若陰位而見陽脉。陽位而見陰脉。是爲反病也。反則以寒藥治寒。以熱藥治熱。從而反治之耳。

帝曰。夫子言察陰陽所在而調之。論言人迎與寸口相應。若引繩小大齊等。命曰平。陰之所在。寸口何如。歧伯曰。視歲南北可知之矣。帝曰。願卒聞之。歧伯曰。北政之歲。少陰在泉。則寸口不應。厥陰在泉。則右不應。太陰在泉。則左不應。南政之歲。少陰司天。則寸口不應。厥陰司天。則右不應。太陰司天。則左不應。諸不應者。反其診則見矣。帝曰。尺候何如。歧伯曰。北政之歲。三陰在下。則寸不應。三陰在上。則尺不應。南政之歲。三陰在天。則寸不應。三陰在泉。則尺不

應左右同故曰知其要者一言而終不知其要流散無窮

此之謂也

按六元正紀大論亦有知其要者四句彼言定期之紀

此言南北二政之司天在泉其尺寸之脉各有所不應也靈樞禁服篇云寸口主中

人迎主外兩者相應俱

俱來若引繩大小齊等春夏人迎微大秋冬寸口微大

如是者名曰平人夫曰微大則脉之和者也今寸口之

脉而有陰脉來現沉而不應則與大小齊等微大之義

拂矣伯言自左右手而言之則左寸爲人迎而右寸爲

寸口自與尺而言則兩手之寸皆爲寸而兩手之尺皆

爲尺故寸口之脉有時不宜應者視歲有南北之政可

知之矣。蓋五運以甲巳土運爲尊。六氣以少陰君火爲尊。故以甲巳上運爲南政。乃面南而行令。與君主同其餘四運爲北政。則面北而受令。與臣子同。據五運行天論以諸司天爲面北而命其位則以司天爲南爲上。今以南政爲面南與彼同。天面北者不同。天以諸在泉爲面南而命其位則以在泉爲北爲下。今以北政爲面北與彼在泉面南者不同。彼論上下此論君臣故也。惟以少陰爲君主。凡脉之司天在泉不應者。皆以少陰而論之。故北政之歲。人氣面北而寸北尺南。地左間之氣在右寸。右間之氣在左寸。天左間之氣在右尺。右間之氣在左尺。故乙卯乙酉丁卯丁酉辛卯辛酉癸卯癸酉乃少陰在泉也。則兩寸之脉俱不應。夫南政爲少陰司天。則

兩寸不應今北政少陰在泉而亦兩寸不應者從君而不從臣也故不以尺爲主而以寸爲主耳運氣全書所謂依南政而診尺寸者是也又訣云子午南少北卯酉兩手沉寸口者是也北政之歲丙寅丙申戊寅戊申寅寅庚申壬寅壬申乃厥陰在泉其左間則少陰而右間則太陽也宜右寸之脈不應夫南政厥陰司天則左間少陰故右寸之脈不應今北政厥陰在泉而亦右寸之脈不應者亦從君而不從臣也故不以尺爲主而以寸爲主耳訣云巳亥南厥北寅申右寸脈潛形者是也北政之歲丙辰丙戌戊辰戊戌庚辰庚戌壬辰壬戌乃太

陰在泉其左間則少陽而右間則少陰也宜左寸之脈
不應夫南政太陰司天則左寸不應今北政太陰在泉
而亦左寸不應者從君而不從臣也訣云丑未南政北
辰戌左手寸不出者是也若使北政三陰司天而不在
泉則其不應者不在寸而在尺矣故下文曰北政之歲
三陰在下則寸不應若三陰在上則尺不應者此也南
政之歲如甲子甲午乃少陰司天則兩寸之脈俱不應
如前所云者是也南政之歲如己巳己亥乃厥陰司天
其左間則少陰而右間則太陽宜右寸之脈不應如前
所云者是也南政之歲如己丑己未乃太陰司天其左

間則少陽而右間則少陰宜左寸之脉不應如前所云
者是也若使南政三陰在泉而不司天則其不應者不
在寸而在尺矣故下文曰南政之歲三陰在天則寸不
應若三陰在泉則尺不應者此也所謂諸不應者即南
北三政而相反以診之則南政主在寸者北政主在尺
而南政主在尺者北政主在寸則其脉自明矣且不惟
尺寸爲然凡南北之左右二間其相反與尺寸同耳此
乃要之所在而不可不知者也

帝曰善天地之氣內淫而病何如歧伯曰歲厥陰在泉風
淫所勝則地氣不明平野昧草廼早秀民病洒洒振寒善